

Organizasons kumunitáriu y organizasons tribal sta ta resebe es email ki Gabinete di MEPA pidi pa manda, di akordu ku nóvu protokólu di Justisa Ambiental ki entra en vigor 1 di janeru di 2022. Versons traduzidu d'es email sta aneksadu na spanhol, portugês europeu, portugês di Brazil, kriolu di Kabu Verdi y K'iche'.

AVIZU ANTISIPADU DI APRIZENTASON DI RILATÓRIU ÚNIKU DI INPAKTU AMBIENTAL DI MEPA

EEA 15941 Prujétu di Konfiabilidadi di Eversource Energy y National Grid di Acushnet ti Fall River – Acushnet, Dartmouth, Fall River, y New Bedford

NSTAR Electric Company, más konxedu pa Eversource Energy (“Eversource”) y New England Power Company, más konxedu pa National Grid (“National Grid”) (djuntu, “Inprézas”) tene propósta pa konstrui, administra y faze manutenson di un linha di transmision ilétriku aériu di 12,1 milha y 115 kilovolt au longu di diritus di pasaji entri Parki Industrial Tap di Eversource na Acushnet, Massachusetts, y Substason di Bell Rock di National Grid, na Fall River, Massachusetts (“Prujétu”). Serka di 7,9 milha di Prujétu ta ben ser na Acushnet, New Bedford y Dartmouth y ta ben ser propiedad di y administradu pa Eversource, y serka di 4,2 milha ta ben ser na Fall River y ta ben ser propiedad di y administradu pa National Grid.

Inprézas intrega un Fumuláriu di Notifikason Ambiental Alargadu (“EENF”) pa kel Prujétu na Gabinete di Lei di Pulítika Ambiental di Massachusetts (“MEPA”), na 15 di nuvémbro di 2018. Gabinete di MEPA publika avizu di EENF pa rivizon públiku, na Environmental Monitor, na 21 di nuvémbro di 2018. Na 28 di dizénbro di 2018, Sekretáriu di Inerjia y Asuntus Ambiental di Massachusetts imiti un Sertifikadu (“Sertifikadu”) sobri aprizentason di EENF (EEA No. 15941). Kel Sertifikadu ki Sekretáriu imiti, orienta Inprézas pa ilabora un Rilatóriu Úniku di Inpaktu Ambiental (“SEIR”) pa Prujétu. Inprézas sta ativamenti ta ilabora SEIR pa aborda atualizasons di Prujétu y kes íten ki Sekretáriu difini, y es ta spéra intrega-l na Gabinete di MEPA durante primavéra di 2022.

Kópias di EENF y di Sertifikadu di Sekretáriu sobri EENF sta na kes *website* di Prujétu indikadu dibaxu. Sekson di Rizumu di Prujétu di EENF, ki traduzidu pa spanhol, portugês, kriolu di Kabu Verdi y K'iche', tanbe sta dispunível na *websites* di Prujétu. Aléndisu, aprizentasons di rizumu di Prujétu di riunions abértu pa públiku, ki rializadu na junhu y julhu di 2021, traduzidu pa spanhol y portugês, sta dispunível na *websites* di Prujétu.

Ta ben dadu avizu públiku dipos ki SEIR dja sta intregadu na Gabinete di MEPA, inkluidu informason sobri piríudus pa kumentáriu públiku y prazus pa manda kumentáriu. Es avizu ta ben ser publikadu na Environmental Monitor di MEPA y na kes jornal di grandi sirkulason déntu di ária di prujétu (The Herald News, The Standard Times, y O Jornal). Kel avizu ta ben distribuídu pa un grupu di organizasons kumunitáriu y organizasons tribal, Lista di Distribuison di MEPA (ki ta inklui Ajénsias Stadual y Ileitus Munisipal, Dipartaméntus y Kumisons) y propietáriu ki ta fika nun distánsia di ménus di 91 métru di róta di prujétu.

Pa más informason sobri párti di Eversource di Prujétu di Konfiabilidadi di Acushnet pa Fall River, vizita <https://www.eversource.com/content/ema-c/residential/about/transmission-distribution/projects/massachusetts-projects/acushnet-to-fall-river-reliability-project>, manda un email Eversource pa ProjectInfo@eversource.com ô txoma pa 800-793-2202.

Pa más informason spisífiku sobri párti di prujétu di Fall River di National Grid, vizita www.southcoastreliabilityprojects.com, manda un email pa National Grid pa Info@SouthCoastReliabilityProjects.com ô txoma pa 833-233-7277.

Pa pidi traduson di más otu dukuméntu di EENF ô di Sertifikadu di Sekretáriu sobri EENF pa un língua diferenti di inglês, ô pa pidi un webinar di Informason di Prujétu pa bu organizason, manda un email pa Eversource pa ProjectInfo@eversource.com ô txoma pa 800-793-2202.